

Guangjisi Minzcu Bau

ganhhau: CN45-0036 B.2017 Nd.4 Ng.19 liggaeuq dingyoux nienz ndwensam ngeihsam

广西民族报

(壮文版)

主办:广西区民语委

出版:广西民族报社

出版周期:逢星期三出版

出版期数:总第3270期

Yungzsuij "Sam Banhfap" Gaem Ndei Hong Cauxlaeb Minzcu Doxgiet Cinbu

融水“三措施”抓好民族团结进步创建工作

Bi 2016 doxdaeuj, Yungzsuij Myauzcu Swciyen maenhmaenh gaemdawz aen cawjdawz "gak minzcu doengzcae doxgiet haenqguh, doengzcae hoenghvuengh hwngfat", haenqrengz haiguh hong cauxlaeb minzcu doxgiet cinbu.

It dwg yawj ndei moegbiu mbouj cuengqsoeng. Gak danhvei yiemzgek ciuqei nienzdox guhhong moegbiu yinvu, caenh'itbough guh saeq gak hangh hong caeuq dajveh anbaiz, saeqsim cujcz doeksaed, maenhmaenh gaemdawz aen gienz cawjdoengh hong cauxlaeb minzcu doxgiet cinbu, gaenxmaenx cawjdoengh haiguh minzcu doxgiet cauxlaeb hozdung, bauj-

maenh gak hangh hong guh daengz dieg bae.

Ngeih dwg doed ok cauxmoq. Yungh gij swheiz cauxmoq doicaenh hong minzcu doxgiet doeksaed, guh hong seiz yawjnaek cauxmoq, yawjnaek caeuq hong ciengzgi giethab, guh daengz doengz anbaiz, doengz haiguh, doengz gaujhwz, roengzrengz guhbaenz buek cingzgoj cauxmoq he, caenh'itbough fungfouq gij neihanz hong cauxlaeb minzcu doxgiet cinbu, baujmaenh hong cauxlaeb minzcu doxgiet cinbu miz dohsang, miz neihanz, miz daegsaek.

Sam dwg giengzvaq cwzyin. Daengx yienh okdaiz le gij sicwz

gaujhwz siengzsaed minzcu doxgiet, mingzbeq dingh ok ciengj fad, guh daengz cwzyin mingzbeq, cungdenj mingzbeq, moegbiu mingzbeq cinjdingh, gyavaiq doicaenh hong cauxlaeb miz bouhloh bae guh. Gyagiengz gocwngz dukcaz, gyagiengz dukcoi doicaenh, gyagiengz gaujhwz gyaepcaz cwzyin, roengzrengz daezsang gij guhhong cizgizsing gak cauxlaeb danhvei. Caenh'itbough giengzvaq cwngci yisiz caeuq daengxbuenz yisiz, aeu roxnyinh cwzyin naek caeuq sijmingganj gig sang haenx, gaenxmaenx guhsat gij yinvu hong cauxlaeb minzcu doxgiet. (Cinz Cunghdwz/ 陈忠德 Maj Cunghvaz/马忠华)

SIUSIK DINJ

简讯

● Gaenh bi neix daeuj, Denzyangz Yen mboujduenh gyagiengz hwnjguh swngghdai lajmbanj, haenqrengz saedhengz cunghab cingceih vanzging lajmbanj, haenqrengz gajndei yienghsiengq vanzging swngghdai lajmbanj, gvangqlangh haiguh cauxlaeb mbanj swngghdai hozdung, yienh'ok buek mbanj "swngghdai ndei, vanzging gyaendei" he. Daengz seizneix, aen yienh neix gungh cauxlaeb mbanj swngghdai si gaep doxhwnj 46 aen, ndawde mbanj swngghdai swcigih gaep 26 aen.

(Moz Youjhoz Cau Yuj-siengz)

● Gaenh bi neix daeuj, vunzmbanj Mbanjcuufung Liengzfungh Cunh Vadung Cin Cingsih Si dawz fiengz haeuxnaz guh baenz sauqbaet iq gai, cungj sauqbaet neix ndaej baet dieg cienmeng, diegbenjfaex, gwnzciengz daengj, hawj diegranz baet ndaej gig ronghndongq, dwg gij doxgaiq vanzbauj biucinj, ndaej daengz siminz haengigyaez.

(Vangz Anhcuengh)

● 4 nyied 14 hauh, Lungzswng Gak Cuz Swciyen cujcz boux gisuz yinzyenz ndaem caz daengz Majdiz Yangh Lijsi Cunh, yienhciengz son'gyauq vunzmbanj dangdieg ndaem caz. Vih hawj ranzungzhøj vaiqdi vut gungz, aen yienh neix gaenxmaenx cujcz lauxhangz bae daengz ndaw reih ndaw naz, soengq cihisiz, soengq dinfwngz bae hawj vunzlai, muzdiz hawj ranzungzhøj doenggvaq hwngfat canjnieb saedyienh vut gungz baenz miz.

(Banh Cisiengz)

● 4 nyied 14 hauh, Hocouh Si Veiswnggh Giswngghvej cujcz gihgvanh dangjiyenz ganbu daengz dieggaeuq Cunghgung Guengjsae Sengj Gunghvej youq Cauhbingz Yen Vangzyauz Cin haenx, haiguh gwzming conzdungj gyauyuz caeuq gyaegzguek cuji gyauyuz hozdung. Doenggvaq dauqcunz dieggaeuq gwzming, dauq hag vahmieng haeuj dangj, siengjniemh gwzming senhleiz, saeddieg roxnyinh gij haenqguh ginglig, gij cingz gig sang gig ndei caeuq gij cozfungh ndei gwzming senhleiz.

(Liz Cujdez)



Sanhgyangh: Mbanjdung Angqhoh Cietdojvuengz

三江: 侗寨欢庆土王节

4 nyied 16 hauh dwg liggaeuq ndwensam ngoenz ngeihcib, Liujcouh Si Sanhgyangh Duncuz Swciyen Linzhih Cin Linzhih Cunh banh cietdojvuengz conzdungj moix bi gvaq baez haenx. Vunzlai Duncuz dangdieg haiguh doiq fwen, foux aenvenz caijdangz, dohyeh, conzdungj minzsuz cunzyouz, dojroeg daengj minzsuz hozdung, youh ciengq youh diuq angqhoh conzdungj ngoenzciet. Aen ciet neix dwg ngoenzciet bouxcoz Duncuz, moix bi liggaeuq ciet goekhawx gaxgonq song sam ngoenz, youq gwnz Bodojvuengz hoengh banh. Ndaw doz dwg beixnuengx Duncuz boq aenvenz.

(Vuz Lenyinh/吴练勋)

Lozcwngz Guhhung Daegsaek Canjnieb Bi'gvaq Vunz Lajmbanj Souhaeuj Lai

罗城壮大特色产业 去年农村居民人均收入增

Lozcwngz Mulaujcu Swciyen aeu hwngfat daegsaek canjnieb dangguh banhfap youqgaenj gyalai bouxguhnaz souhaeuj, bang rengz vut gungz gunggeng daeuj guh, ciuq dieg bae guh, haenqrengz hwngfat daegsaek canjnieb, coicaenh bouxguhnaz laisou, bi 2016 vunz lajmbanj moix vunz bingzyaenz ndaej ceiboij souhaeuj 6638 maenz, demlai 8.2%.

Youq gwnz canjnieb hwngfat, aen yienh neix ciuq gij yenzcwz hab ndaem couh ndaem, hab ciengx couh ciengx, hab ndoeng couh ndoeng, aeu fatdoengh vunzlai, sonyinx vunzlai caeuq aeueiq gij siengjmuengh vunzlai dox giethab hwnjdaeuj. Bi 2016 daengx yienh ndaem oij mienhcik daengz 12.6 fanh moux, ndaem gonengznuengx mienhcik daengz 6.14 fanh moux, guhsat ndaem

byaekheu 16.2 fanh moux, ndaem makik 3500 moux, guhbaenz dieg ndaem oij "song sang" 5000 moux, hwngfat ndaw ndoeng ginghci mienhcik gyoebseueng 93.16 fanh moux, canjeiz 4.95 ik maenz, gyalai ciengx mou 1.5 fanh duz, yiengzbya 1.2 fanh duz, vaiznoh 0.7 fanh duz.

Vih gemjmbaeu gij fungyiemj hawciengz bouxguhnaz hwngfat canjnieb, aen yienh neix gaenxmaenx gungganq caeuq guhhung giyez gyaeylungz gyagoeng doxgaiq reihnaz, sonyinx bouxguhnaz gyahauej ciennieb hozcozse, caezgya guhdoih guenjieix, gyangqdaemq gij ngaenzgoek ginghyingz guh nungzyez caeuq fungyiemj hawciengz. Seizneix daengx yienh gungh miz oij, maenz, gonengznuengx nonsei daengj giyez gyaeylungz gyagoeng doxgaiq reihnaz

18 aen, nungzyez ciennieb hozcozse 289 aen. Aen Hozcozse Bouxguhnaz Dajndaem Dajciengx Fanh Ranz Miz Lozcwngz, hwngfat veiyenz 580 ranz, ciengx douq meh 500 lai duz, bi gai douqnoh 15000 lai duz, bi canjeiz daengz 100 lai fanh maenz.

Haenqrengz gungganq hwngfat denswj sanghvu, gujli caeuq sonyinx giyez densangh youq gwnz muengx haiguh gai doxgaiq reihnaz miz daegsaek hozdung, giyez densangh hwngfat daengz 40 lai aen. Sanghmou vuzliuzyez gyavaiq hwngfat, miz bouhloh doicaenh hong gya'gvangq gajjguh hawciengz nungzmou Siujcangzanh Cin, gyalai diemqnungzgyah caeuq diemqbienhleih 150 lai aen, gyalai vuzliuz fuzvu vangjdenj 20 lai aen.

(Veiz Yuzdai)